

Powšitkowne WOZJEWJENJA

njedźelu, 5. septembra 2021

Wusyłanje Božej mše

Serbskorěčnu Božu mšu móža wěriwi tutu njedźelu, 5. septembra, znova jako live-stream w interneće scěhować. Wona přenjesje so w 9 hodź. z Chróšćanskeje cyrkwyje. Link na nju je pod www.posol.de a na wosadneje stronje podaty.

Na Marije naroda do Róžanta

Na swjedženju Marije naroda, srjedu, 8. septembra, su wěriwi ze serbskich wosadow na Božu mšu do Róžanta přeprošeni. Wona budže hižo we 18.30 hodź. na putniskej łuce. Kaž w cyrkwjach ma so tež tam na wotstawk džiwać. Zdobom budu na tym dnju hižo dopołdnja w 9.00 hodź. kemše w Róžeńčanskej swjatnicy.

Serbske kemše w Drježdźanach

Drježdźanscy Serbja su na maćernorěčnu Božu mšu njedźelu, 12. septembra, w 16.00 hodź. do cyrkwyje swjateho Antonija w Drježdźanach-Löbtauwje, Bünauska hasa 10, přeprošeni. Kemše změje farar Gabriš Nawka. Božej mši přizamknjetej so swačina a bjesada we wosadnicy.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 14. septembra, w 14 hodź. do Smochčanskeho kubłanišća swjateho Bena přeprošeni. Zajimcy njech so hač do wutory, 7. septembra, w redakciji Katolskeho Posoła přizjewja, telefonowe čisło (0 35 91) 55 02 12. Kóždy njech sej prošu Wosadnik a nahubnik sobu přinjese, wšako maja so hygieniske předpisy kubłanskeho domu dodžeržeć. Štóž chce wotewzaty być, njech to prošu zdžěli. Wobkedźbować ma so tohorunja, zo je kubłanišćo swoje plaćizny podróšilo.

Duchowna hudźba

Składnostnje kermušje Budyskeje cyrkwyje Našeje lubeje knjenje njedźelu, 12. septembra, su wšitcy na koncert duchowneje hudźby přeprošeni. Tutón zahaji so we 18 hodź. Tachantski kantor Kamil Maksymilian Kulawik na piščelach kaž tež Thomas Siegmund na klarineće a saksofonje zanjesetaj mjez druhim twórby Bacha, Fauréja a Greena. Přizjewjenja za koncert su trěbne. Link je pod www.posol.de wozjewjeny. Zastup je darmotny, při durjach pak budže zběrka.

Poskitk přichodnym organistam

Budyski tachantski kantor Kamil Maksymilian Kulawik poskića wot septembra wuwučowanje na piščelach. Wuměňenje su zakładne znajomosće w hraću na klawěrje. Poskitk měri so na młodych na hudźbje zajimowanych, kotřiž bychu zwólniwi byli, nimo swojeho powołanja službu organistki abo organista přewzać abo kotřiž zajimuja so za studij cyrkwinskeje hudźby a jeho předmjety. Zajimcy měli so z mejlku na info@dompfarrei-bautzen.de na farje tachantskeje wosady přizjewić. Tam zhonja dalše nadrobnosće.

Pytają domownika

Dom swjateje Ludmile w Chróścicach poskića wobmjezowane džělowe městno domownika. Wone móže so hnydom wobsadzić. Džěło płáci so po tarifowych rjadowanjach Carity. Požadanja přijimuju z poštu abo z mejlku na heimleiter@st-ludmila.de. Nadrobniše informacije poda nawodnica Mónika Wenclowa, telefonowe čisło (03 57 96) 94 73 30.

Ponowjeny Winfriedowy dom sej wobhladać

Po wjace hač dwulětnym ponowjenju Winfriedoweho domu w Schmiedebergu změja tam tutu njedźelu, 5. septembra, wot 11 do 17 hodź. dzeń wotewrjenych duri. Zajimcy su přeprošeni, sej přetwarjeni džěćacy a młodžinski kubłanski dom Drježdžansko-Mišnjanskeho biskopstwa wobhladać.

Potrjechenym powodženja w zapadže pomhać

Za wopory powodženja w zapadnej Němskej hromadži Towarstwo Cyrila a Metoda z.t. (TCM) ze swojej akciju „Łužica pomha“ dary za potrjechenych wosady we Weilerswisce juhozapadnje Kölna. Tam bydlaca mloda serbska swójba je zwisk sprosředkowała. Pjenježne dary móža so na konto Cyrill-Methodius-Verein e.V., IBAN: DE 65 750 90 300 000 828 23 66, pod hesłom „Weilerswist“ přepokazać. Štóž swoju dospołnu adresu poda, tomu wustaji TCM darowansku kwitowanku.

Z kreatiwnosću a spiritualitu sebje spóznać

Pod hesłom „Truny žiwjenja“ přeprošuje Smochčanske kubłanišćo swjateho Bena na seminar, při kotrymž móžeš „nutřkowe swěty“ spóznać, kotrež ze swójskej kreatiwnosću, molowanjom wobrazow a symbolow zwurazniš. Zaměr je, zo móža ći, kotřiž so na seminarje wot pjatka do njedźele, 17. do 19. septembra, wobdžěla, swójske resursy wotkryć a zmysł swójskeho puća nadeńć. Dny nawjedujetaj eksercicijowy přewodźer farar dr. Hans-Konrad Harmansa a duchowna přewodźerka Maren-Magdalena Sorger. Zajimcy měli so pod telefonowym čisłom (03 59 35) 2 23 17 abo z mailku pod adresu ansgar.hoffmann@bg-schmochtitz.de. přizjewić.